



Styrktarsjóður Kiwanisumdæmisins Ísland- Færeyjar

Skýrsla til umdæmisstjórnarfundar laugardaginn 12. janúar 2013

Ágætu félagar

Eins og komið hefur fram þá er staða okkar í stífkrapaverkefninu nokkuð góð. Við erum með í peningum og loforðum um 85 þúsund dollarar (11,2 milljónir króna) eða tæplega 20% af því sem Kiwanis International hefur ætlað okkur að safna. Um það bil helmingur af þessari upphæð er loforð Eldeyjar að verða svokallaður Model klúbbur og þar með gefa um 42 þúsund dollara til verkefnisins.

Á þessu ári eigum við að safna samkvæmt áætlun um 100 þúsund dollurum (13,2 milljónum króna) og vera komin með 42 % af lokaupphæðinni. Þeirri upphæð tel ég nokkuð ljóst að við náum ekki nema með aðstoð annarra. Líklega erum við að senda út á þessu ári um 2 til 3 milljónir, nema til komi fjármagn frá öðrum en okkur sjálfum, eða úr sérstökum verkefnum sem við vinnum með öðrum.

Á næstunni munum við senda bréf til utanríkisráðherra og óska eftir fundi með honum, hvort ráðuneytið geti og vilji koma að verkefninu. Eins eigum við eftir að taka upp viðræður við UNICEF og kanna áhuga þeirra og möguleika til söfnunar. Þetta verður gert á næstunni.

Þá hefur sala á gull- og silfurstjörnum verið mjög góð á síðast ári, en þá seldust 22 silfurstjörnur og 27 gullstjörnur. Það gefur af sér í verkefnið um 1,3 milljónir. Þessir fjármunir eru þá hluti af framlagi klúbba vegna síðasta árs. Frá því að sala á stjörnunum hófst hafa verið seldar um 200 stjörnur, þannig að sala á síðasta ári er mjög góð.

Það má því búst við að kiwanisfélagar á Íslandi standi sig vel á þessu ári og sjóðurinn nái að senda talsverða upphæð í stífkrapaverkefnið.

Þá er lokið sölu á húsnæði Kiwanis að Engjateig 11, og fékk sjóðurinn rúmlega 1,6 milljónir fyrir sinn hlut í húsinu.

En eins og alltaf þá verðum við að vera tilbúin að aðstoða ef beiðni berst þar um og stjórn sjóðsins telur að við eigum að styrkja málefnið.

Með kiwaniskveðju

Björn Ágúst Sigurjónsson